

հալիառ Հայրապետը նշեց. «Նմանարիպ կապերը մեր մեջ ամրացնում են հույսը խաղաղ, ապահով ու անվտանգ աշխարհի համար»:

Իր հերթին պրն. Թյիրկը երախտագիտություն հայտնեց ընդունելության համար և ներկայացրեց այցի իր փառավորությունները, նշելով, որ Սլովենիայի ժողովուրդը փողակ է հայ ժողովրդի բազմադարյա պատմությանը և քրիստոնեական հարուստ մշակույթին: Անդրադառնալով երկու երկրների հարաբերություններին՝ Սլովենիայի նախագահը նշեց. «Աշխարհագրականորեն հեռու ենք, սակայն շատ ընդհանրություններ ունենք. մեծ ապագա պիտի ունենա մեր համագործակցությունը»:

Սլովենիայի նախագահը խոսեց խաղաղ աշխարհի կառուցման գործում հոգևոր առաջնորդների կարևոր դերակատարության մասին: Այս առնչությամբ Նորին Սրբությունը նշեց Հայ Եկեղեցու՝ այլ կրոնների հետ խաղաղ գոյակցության պատմական փորձառությունը, ինչպես նաև ներգրավվածությունը միջկրոնական երկխոսության մեջ:

Հանդիպմանն անդրադարձ կատարվեց նաև Եկեղեցի-պետություն հարաբերություններին, Երուսաղյամ արձանգրվող քրիստոնեական արժեքների ու աշխարհայացքի նահանջի դրսևորումներին, ընդգծվեց հոգևոր արժեքների գորացման անհրաժեշտությունը հանուն մարդկության խաղաղ ու բարօր կյանքի:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ

ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ՄՈՆԻՏԱՒՔԱՂԱԶՊԵՏԻՆ

Նոկտեմբերի 28-ին Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Մոնրեալի քաղաքապետ ժերալդ Թրամբլին՝ Կանադայի հայոց թեմի առաջնորդ Տ. Բագրատ Լախակոպոս Գալստանյանի ուղեկցությամբ: Նորին Սրբությունը, ողջունելով քաղաքապետի այցը Մայր Աթոռ Սուրբ Էջմիածին, իր գնահատանքն ու երախտագիտությունը հայտնեց Կանադայի իշխանություններին, որ անկասկածաբար չեն եղել հայոց մեծագույն ողբերգության նկատմամբ և դեռ 17 փարի առաջ ճանաչել են Հայոց Ցեղասպանությունը:

Իր հերթին Մոնրեալի քաղաքապետ ժերալդ Թրամբլին իր ջերմ շնորհակալությունը հայտնեց ընդունելության համար: Ծանոթանալով Մայր Աթոռի թանգարաններում պահվող հայ հոգևոր մշակույթի գանձերին՝ մեծարգո քաղաքապետը ցանկություն հայտնեց դրանք ցուցադրել նաև Մոնրեալի ժողովրդին, որ կիշեցնեն նրանց այն արժեքների մասին, որոնք մոռացման ենթակա չեն և որոնցով պետք է ապրել:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ